

Na osnovu člana 8. i 13. Zakona o principima lokalne samouprave (« Službene novine Federacije Bosne i Hercegovine », br. 49/06), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most (« Službeni glasnik općine Sanski Most » br.4/08, 5/08 , 5/09, 02/10 i 9/11),Općinsko vijeće Sanski Most na svojoj 23. sjednici održanoj dana 20.03.2023. godine, donijelo je:

ODLUKU

o subvenciji troškova prevoza redovnih učenika srednjih škola na području općine Sanski Most

Član 1.

Ovom odlukom se uređuju opći uslovi, način i postupak subvencioniranja troškova prevoza redovnih učenika srednjih škola na području općine Sanski Most, zaključivanje ugovora, te ostala pitanja koja se odnose na prava i obaveze korisnika subvencije prevoza.

Član 2.

Sredstva za subvencioniranje troškova prevoza redovnih učenika srednjih škola na području općine Sanski Most osiguravaju se u Budžetu općine Sanski Most.

JU „Centar za socijalni rad“ Sanski Most, zastupana po direktoru za svaku školsku godinu objavljuje javni poziv.

Za drugo polugodište školske godine 2022/2023 postupak za ostvarivanje navedenih prava pokreće se na zahtjev učenika, odnosno roditelja, a JU „Centar za socijalni rad“ Sanski Most će nakon provedenog postupka odlučiti o podnesenom zahtjevu za priznavanje prava troškova prevoza redovnih učenika srednjih škola.

Pravo na subvenciju troškova prevoza mogu ostvariti redovni učenici srednjih škola koji imaju prebivalište na području općine Sanski Most pod slijedećim uslovima:

1. učenici sa invaliditetom, djeca sa poteškoćama u razvoju,
2. učenici – djeca bez oba roditelja,
3. učenici – djeca bez jednog roditelja (ukoliko roditelj ispinjava ostale uslove predviđene ovom Odlukom),
4. učenici čiji roditelji primaju stalnu novčanu pomoć,
5. učenici - djeca šehida, ratnih vojnih invalida, demobilisanih boraca i dobitnika najvećih ratnih priznanja i civilnih žrtava rata,
6. učenici čiji su roditelji nezaposleni (uz izvještaj i procjenu socijalnog radnika),
7. učenici čiji su roditelji zaposleni, a čiji prihod po domaćinstvu ne prelazi iznos prosječne plaće USK-a po posljednjim službenim podacima,
8. učenici – djeca smještena u Ustanovu SPŽZ,
9. djeca sa poteškoćama u razvoju koja pohađaju specijalnu školu,
10. djeca čiji su roditelji osobe sa invaliditetom (90% i 100%).

Ostale kategorije korisnika pravo mogu ostvariti pod uvjetom da ukupan prihod domaćinstva mjesečno ne prelazi iznos prosječne plaće USK-a, po posljednjim službenim podacima.

Prioritet na subvenciju troškova prevoza redovnih učenika srednjih škola imaju roditelji sa troje ili više djece, a koji koriste usluge javnog prevoza kako je i predviđeno ovom Odlukom.

Kriteriji će se primjenjivati od dana usvajanja Odluke i važe do donošenja novih kriterija.

Član 3.

U prijavi na javni poziv za subvencioniranje prevoza se prilaže:

1. potvrda o prebivalištu učenika i roditelja/staratelja/podnosioca zahtjeva,
2. potvrda o upisu učenika u tekuću školsku godinu, izdata od nadležne školske ustanove,
3. kućna lista, sa pratećom posebnom dokumentacijom (smrtni list roditelja/rodni list djeteta),
4. dokaz o statusu i primanjima za sve članove domaćinstva i to:
 - za zaposlene: potvrda o prosječnim primanjima za posljednja tri mjeseca ovjerena od strane poslodavca,
 - za privatne poduzetnike: Uvjerenje o izmirenim poreznim obavezama izdato od nadležne poreske ispostave i potvrda o mjesečnim primanjima za posljednja tri mjeseca,
 - za penzionere: kopija čeka od penzije,
 - za nezaposlene: Uvjerenje biroa za zapošljavanje, odnosno, potvrda da nije porezni obveznik (Porezna uprava),
5. dokaz o invaliditetu učenika (nalaz nadležne Komisije),
6. dokaz o invaliditetu roditelja (rješenje od nadležnog organa),
7. rješenje/uvjerenje nadležne Službe za učenike djecu šehida, ratnih vojnih invalida, invaliditetom i djecu dobitnika najvećih ratnih priznanja,
8. kopija tekućeg računa podnosioca zahtjeva.

Član 4.

Pravo na subvencioniranje prevoza učenicima pripada u mjesecima u kojima se odvija nastava (septembar, oktobar, novembar, decembar, februar, mart, april, maj i juni osim za učenike završnih razreda. Isti su dužni dostavljati dokaz o kupljenoj mjesečnoj karti najkasnije do 10. u mjesecu.

Član 5.

Sadržaj javnog poziva za subvencioniranje troškova prevoza redovnih učenika srednjih škola raspisuje JU „Centar za socijalni rad“ Sanski Most.

Tekst javnog poziva objavljuje se u sredstvima javnog informisanja, službenoj WEB stranici općine Sanski Most i službenoj WEB stranici JU CZSR Sanski Most.

Javni poziv sadrži:

- a) uslove za subvencioniranje troškova prevoza redovnih učenika srednjih škola na području općine Sanski Most sa naznakom školske godine za koju se vrši subvencija,
- b) naziv radnog tijela za provođenje postupka javnog poziva,
- c) popis dokumenata koje je potrebno priložiti,
- d) rok za podnošenje prijave na javni poziv ne može biti kraći od 15 dana

Član 6.

Direktor JU Centar za soc rad Sanski Most imenuje Komisiju za utvrđivanje prava na subvencioniranje troškova prevoza redovnih učenika srednjih škola na području općine Sanski Most najkasnije 7 dana prije zaključenja javnog poziva.

Komisija iz prethodnog stava ima predsjednika i dva člana. Aktom o imenovanju Komisije za utvrđivanje prava na subvencioniranja troškova prevoza redovnih učenika srednjih škola na području općine Sanski Most, direktor utvrđuje sastav i zadatke Komisije.

Član 7.

Komisija radi u sjednicama, a odlučuje većinom glasova ukupnog broja članova.

O radu Komisije obavezno se sastavlja zapisnik.

Komisija po zaključenju javnog poziva razmatra dostavljene prijave nakon čega:

- neblagovremene i nepotpune prijave odbacuje,
- prijave kandidata koji ne ispunjavaju uvjete javnog poziva odbija.

Tokom obrade podnesenih prijava Komisija može od kandidata ili nadležnih organa tražiti dopunu ili provjeru podataka.

Član 8.

Prijedlog liste kandidata koji ispunjavaju uvjete sadrži: redni broj, prezime, ime jednog roditelja i ime kandidata, naziv srednjoškolske ustanove i razred koji učenik pohađa, te se ista dostavlja direktoru JU „Centar za socijalni rad“ Sanski Most i objavljuje na WEB stranici Ustanove i WEB stranici općine Sanski Most.

Član 9.

Svaki prijavljeni kandidat ima pravo prigovora na utvrđenu listu kandidata koji ispunjavaju uslove.

Prigovor se može podnijeti Komisiji za žalbe na akte po Odlukama Općinskog vijeća u roku od 8 dana od dana objave utvrđene liste kandidata iz stava (1) ovog člana.

Utvrđena lista kandidata koji ispunjavaju uvjete protiv koje nije podnesen prigovor iz stava 2. ovog člana je konačna i osnov za zaključenje ugovora o subvencioniranja troškova prevoza redovnih učenika srednjih škola na području općine Sanski Most.

O podnesenim prigovorima na utvrđenu listu kandidata iz stava (1) ovog člana Komisija za žalbe na akte po odlukama Općinskog vijeća dužna je odlučiti u roku od 15 dana po isteku roka za podnošenje prigovora.

Član 10.

U postupku odlučivanja po prigovorima Komisija za žalbe na akte po Odlukama Općinskog vijeća će:

- neblagovremene prigovore odbaciti bez razmatranja,
- neosnovane prigovore odbiti,
- prigovore za koje se utvrdi da su osnovani uvažiti i sačiniti izmjenu utvrđene liste kandidata.

Član 11.

Izmjenjena lista kandidata koji ispunjavaju uvjete Komisije za žalbe na akte po Odlukama općinskog vijeća, objavljuje se na oglasnoj tabli i WEB stranici.

Izmijenjena lista kandidata Komisije za žalbe na akte po odlukama Općinskog vijeća je konačna i osnov za zaključivanje ugovora o subvencioniranju.

Član 12.

Komisija pismenim putem ili na drugi pogodan način obaviještava korisnike subvencioniranja o datumu zaključivanja ugovora o subvencioniranju.

Član 13.

Ugovor o subvencioniranju troškova prevoza redovnih učenika srednjih škola se smatra zaključenim kada ga potpišu direktor Ustanove i roditelj/staratelj učenika.

Ugovor o subvencioniranju troškova prevoza redovnih učenika srednjih škola na području općine Sanski Most sadrži:

- a) naznaku ugovornih strana,
- b) visinu odobrenog iznosa,
- c) period i način isplate,
- d) prava i obaveze ugovornih strana,
- e) uslove za raskid ugovora,
- f) druga pitanja od značaja za ostvarivanje prava na subvencioniranje.

Član 14.

Ugovor o subvencioniranju se raskida:

- a) ako se utvrdi da je pravo na subvencioniranje kandidat ostvario na osnovu neistinitih ili nepotpunih podataka,
 - b) ako korisnik subvencije prekine školovanje ili promjeni mjesto prebivališta koje je od uticaja za ostvarivanje navedenog prava.
 - c) ako korisnik subvencije blagovremeno ne dostavi dokaz o kupljenoj mjesečnoj karti .
- Raskid ugovora o subvencioniranju vrši se u pismenoj formi.

Član 15.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-89/23

Datum: 21.03.2023. godine

Predsjedavajuća Općinskog vijeća
dr. Elijaš Nada,s.r.